

1536

Dupl. 22
2
29

16

ANTONII FLOREBELLI MVTI-
NENSIS AD CAROLVM .V.
ROMANORVM IMP.
PANAEGYRICVS.

I
M
E

ANTONIO FLORELLI M. L.


ANTONIO FLORELLI M. L.
HENRIE ANGELO M. L.
ROMANORUM M. L.
PANAETHYRICVS.

nensis ad Carolum .V. Romanorum Imp.

Panegyricus.




Acpe ego ueterum Romano-
rum mores & instituta mecum
diligentius considerans Inuictis-
sime Imperator Caesar, cum ali-
is in rebus eorum soleo sapien-
tiam admirari, tum illud præci-
pue recte, & sapienter ab eis
fuisse institutum, atq; obseruatum iudico, ut eorum duces,
atq; imperatores deuictis hostibus una cum uictore exer-
citu triumpharent. Hinc enim fiebat, ut cum benemeritis
de patria ciuib; meritos honores tribuerent, tum alios
etiam ad amorem virtutis, & ad benemerendum de rep.
incitarent. qui mos tam diu hac in urbe mansit, quam diu
imperio domicilium præbuit, & in ea bellicæ laudis, &
gloriæ studia inguerunt. Postea uero quam Imperij sedes
à Constantino Byzantium translata est, cum hæc urbs
non iam Imperij, sed religionis caput, ac domicilium esset,
hæc Ciuitas mille serè abhinc annis nullum triumphum
spectauerat. Extitisti tandem aliquando tu Caesar, quem
unum uere appellare Imperatorem post Carolum illum
Magnum possumus, qui illam antiquam triumphandi con-



facta dñem renocares, quāq; quod maxime proptulit Impē-
ratoris munus est, ad tuendam religionem, & debellā-
dos hostes sedatis prius intestinis reip. malis omnem
animi curam, sollicitudinemq; conferres, ut minime mi-
rum uideri debeat, si eos semper tuarum actionum omni-
um, & consiliorum exitus habuisti, quos tua ista praeſtans
erga Deum religio, in Christianam reimp. Studium pro-
meretur. Vidimus igitur te confecto Africano maximo,
& grauissimo bello, ac memorabili de Turcis parta
uictoria triumphantem ea pompa, atq; eo ornatu, qui
triumphantem decebat Cæsarem, comitatum ducibus
tuis, & flore uictoris exercitus, prosequentibus omnium
Christianorum principum, ac liberarum Ciuitatum Lega-
tionibus. Vidimus occurrentem tibi amplissimum Sena-
tum, effusam studio uidendi tui infinitam hominum multi-
tudinem, gratulantem tibi hunc optimum, sapientissi-
mumq; Pontificem. Nec perſpexisti tu modo omnium er-
ga te hominum studia, lætities, gratulationes, sed ipsi me-
dus fidius huius vrbs colles, ut mihi uidebatur, gratula-
ri tibi de uictoria, & aduentu tuo gestiebant. Tandem
enim Christiana reſp. tua incredibili uirtute, & admira-
bili sapientia, eis quæ tam diu perpeſſa est malis, calami-
tatibusq; defuncta est, discussa tandem est superiorum cali-
go temporum, adeoq; crudelissimorum hostium religionis
nostræ minas, atq; arma desimus timere, ut etiam certam

in spem uenerimus fore propediem, ut res p. in antiqui
 honoris, & dignitatis gradum reponatur. respexit enim
 Deus populum suum, ac iam satis graues peccatorum pœ-
 nas ab eo fuisse statuit persolutas, qui te christiane resp.
 præposuerit, ut unâ cum hoc integerrimo, præstatiſſimôq;
 Pontifice illam ex summis creptam periculis seruares, &
 impiorum hostium furorem, audaciamq; contunderes. Ac
 tu composito Italiae statu, & bis iam fugatis, ac superatis
 Turcis non solum nobis aduersarum rerum finem attulisti,
 sed initium etiam secundarum. Quamobrem iure, ac meri-
 to aduentus tuus summis honoribus, & incredibili omni-
 um generum, ætatum, ordinum gratulatione, plausu, læti-
 tiaq; exceptus est. eius enim unus dici, quo triumphans
 urbem ingressus es, lætitia, omnis medius fidius illa su-
 periorum annorum tristitia compensata est. Sed illi qui-
 dem, quos tibi Paulus Pont. Max. & populus Roma-
 nus honores habuit, & si eximii fuerunt, atq; præclari,
 tamen tuis in rempub. meritis nequaquam pares fuisse
 fatendum est. nam illi quidem certe usati sunt,
 tua uero merita ex nouo, & inusitato quodam sunt
 genere. Neque hæc culpa illorum est, quod te pari-
 bus præmiis minime remunerati sint; potiusq; tua sum-
 ma laus est, quod eis remp. beneficiis affeceris, pro qui-
 bus accipere par nihil posses. Nam ut de reliquis tuis
 diuinis in eam meritis sileam, quæ quidem nulla unquam



delebit obliuio, nulla longinquitas temporis obscurabit,
15 Etis recentibus quodnam obsecro potest non dicam prae-
mum, sed genus par orationis inueniri: Etenim Rex Tur-
carum non contentus Asia, & magna parte Europae, pro-
pter inexpiabile in Christianos odium, & incredibilem
quandam Imperij sitim ardebat cupiditate reip. nostrae
euertendae funditus, atque delendae. cumque nondum uidelicet
cognouisset, quo cum hoste sibi res, ac certamen futurum
esset, sperabat se, quod superioribus acciderat tempori-
bus, posse per inertiam, & socordiam nostram reliquas
Europae prouincias ad regnum, & ditionem suam adiu-
gere. Itaque cum infinito peditatu, equitatuque quasi calamito-
sa quaedam tempestas superioribus annis in Pannoniam
penetrarat, Viennamque obsederat maximam, & clarissi-
mam urbem, sperans eis refractis tanquam Germaniae
claustris se penitus in reip. uiscera irrupturum. quo qui-
dem tempore (ignosce nobis Caesar) non peteramus inter-
dum non uehementius commoueri. non quo uirtuti, aut fe-
licitati diffideremus tuae, sed hostium incredibilis multi-
tudo timorem nobis, ac sollicitudinem afferebat. Sed ne il-
li nobis diutius insultarent, tua uirtute, ac celeritate perse-
cutum est. Nam cum intelligeres, quanto in discrimine sa-
lus omnium Christianorum uersaretur, superatis incredi-
bili celeritate alpiibus in Pannoniam cum tuo fortissimo,
atque inuictissimo exercitu aduolasti, positisque penes in con-

747
Spectu hostium castris, & facta pugnandi copia adeo insolentem illam, & immanem exterruisti belluam, ut qui iam Europæ totius Imperio potiturum se sperauerat, suis rebus diffidens, ac de salute desperans non modo prælium detrectarit, sed etiam magna parte suorum amissa turpissime in intimum regnum suum aufugerit. Quam obrem tuo tum statim aduentu Viennam obsidione, populos Christianos cæde, uinculis, & cruciatibus, temp. maximi, & calamitosissimi belli metu liberaisti. Hac ille tam insigni clade, atq; ignominia mirum quantum animo fractus, ac debilitatus esset. Sed tamen cum se uix tandem ex fuga, & pauore collegisset, ira, & ignominie dolore uehementer exarserat. itaq; quando ea non successerat, statuerat alia uia temp. adoriri, cumq; intelligeret Africæ oram maritimam esse imprimis opportunam ad oppugnandam temp. si ea potitus esset, illinc Epiro, hinc Africa usurum se pro uallo & aggeribus ad obsidendam Italiam destinarat. Quare Arriadenum hominem impigrum, eundemq; Christiani nominis hostem infestissimum maximæ, & ornatissimæ classi præfecerat, & trajcere in Africam iusserat. Hic ego sine magno animi dolore commemorare non possum, quas tum Arriadenus Christiano nomini laces iniecit, quantum huic Ciuitati, ac toti Italiæ terrorem iniecit, quantum deniq; temp. in discrimen adduxerit, qui non prius in

Africam nauigarit, quàm Calabriae ora late maritima
depopulata, & compluribus incensis atq; inflammatis
oppidis multos inde mortales in seruitutem abduxisset.
Neque eo contentus fuit, sed propius urbem accessit, Fun
dosq; & Terracinam, & alia quædam oppida improui
so aduentu cepit, atq; diripuit. Cum hinc (ò tetrum, &
luctuosum spectaculum) propè hostilis classis, nobilium
oppidorum direptio, Terracinensis & Fundani populi ca
lamitates, tectorum incendia cernerentur. Nec uero tan
to, & tam repentino periculo percussa hæc ciuitas, atq; at
tonita dispiciebat quid agere, quid consilii capere, quam
uiam insistere tutandæ salutis, & depellendi periculi
oporteret. sed fugam spectans, & ad preces, ac uota
conuersa deum supplex orabat, ut à populo suo crudelita
tem hostium, à sanctissimis templis impias, & funestas
faces, ab urbe domicilio religionis uastitatem, ab uniuersa
rep. pestem, exitiumq; depelleret. Tandem hostes cum
per omnem oram hanc maritimam sine ullo metu ad arbi
trium suum essent peruagati, & miserorum oppidorum
spoliis, captiuisq; omnia navigia complessent, læti, atq;
alacres abierunt, ita ut oculos tamen crebro ad hæc luto
ra retorquerent, ægre uidelicet ferentes, quòd hæc urbs
eorum crudelitatem, ac sæuitiam effugisset. Cum uero
Arriadenus ad Africam appulisset, Tunetum urbem
maximam, accius regni caput expulso inde rege, dolo
atq;

atq; insidiis ceperat. ex quibus rebus tantos sibi spiritus
 sumpserat, ut breui se uniuersam Italiam bellorum flucti-
 bus obruturum esse consideret. Verum has tu Cæsar im-
 pendentis tantorum bellorum tempestates, atq; procellas
 uirtute, consilio, ui, copiis celeriter repulisti. Nam & si
 uidebas, quàm graue, & periculosum bellum susciperes,
 tamen quod proprium fuit summæ, atq; eximiæ cuiusdam
 fortitudinis hoc est tuæ, tuam salutem communi salute po-
 steriorem ducens omnibus caput tuum obicere periculis,
 quàm reip. decesse summo ac difficillimo illius tempore
 maluisti. Itaq; cum parasses summa celeritate magnam
 classem, & fortissimum exercitum conscripsisses, Bar-
 chinone conscendens grauissimo anni tempore, cum omni
 classe in Sardiniam traiecisti, inde continuo in Africam,
 ut hostes prius bellum geri senserint, quàm audierint para-
 ri. Cum autem supplex ad te in castra uenisset is, qui rex
 Tunetiorum fuerat, opemq; & auxilium tuum implo-
 rasset, ei tu, quanquam à religione nostra abhorrens esset,
 tamen illius fortunam miseratus fidem, & dexteram por-
 rexisti, plancq; ostendisti bellum id à te non propter auari-
 tiam, ac dominandi cupiditatem, sed ob studium ac defen-
 sionem reip. quæ in summum discrimen uenerat, susceptum
 fuisse. Maxime uero Arriadenum aduentu tuo perculsum
 esse constabat, quippe qui te ipsum còminime traiecturum
 esse sperasset. Sed is tamen omni sese bellico instruxerat

apparatu, ingentes equitum, & peditum manus ex finiti-
mis regionibus conduxerat, Tunctum, & castellum, quod
in faucibus portus tunctini situm est, quam Golettam vo-
cant, firmissimis propugnaculis & magna vi æncorum
tormentorum muniuerat. At tu paucis post diebus, quàm
in Africam ueneras, primum castellum illud terra mariq;
adortus, ualido resistente Turcarum præsidio, tuis acerr-
ime dimicantibus expugnasti. biduo post cum instructas le-
giones ad Tunctum oppugnandum adduceres, Arriade-
nus magnitudine copiarum suarum fidens tibi obuiam exi-
it. tum uero gausus factam tibi pugnandi potestatem, om-
nia non modo boni imperatoris, sed etiam strenui militis
officia, & munera præstitisti. nam & milites oratione
ac uocibus ad prælium incitabas, & ipse quàm confertissi-
mi hostes erant, fortissime dimicabas. Sed cum acriter ali-
quandiu pugnatum esset, & multa iam hostium millia
cecidissent, sustinere diutius ardorem, atq; impetum tuo-
rum illi minime potuerunt, ortoq; ab equitibus fugæ initio
celeriter pedestres etiam copię uersæ in fugam sunt. Dux
autem hostium, qui Tunctum refugerat, cum te ad murum
accedere cum uictore exercitu cognouisset, non ausus est,
neq; urbem defendere, neq; in arcem, quamuis esset egre-
gie manu, & natura loci munita, confugere, quippe cum
nullo pacto uirtuti tuæ obsisti posse iudicaret. sed fren-
dens fremensq; tantum regnum tam cito sibi creptum de

manibus fuisse, & reliquas omnis euasisse spes suas,
 nactus navis quasdam in litore cum paucis comitibus ex
 Africa profugit. o præclarum, & ipsis etiam undis ac
 littoribus iucundum spectaculum, cernere immanissimum
 illum hostium ducem, qui pauloante tantis in Africam
 classibus nauigarat, ac iam Italiae immincebat, cunctis na-
 uibus amissis, aucto exercitu, erepto, quod occupauerat, re-
 gno, repide fugientem. Quare dispersis, ac dissipatis per
 finitimas regiones hostibus Tunctum, & arcem pulso iam
 inde præsidio recepisti, reg. o. p. ci, cui ad impiū fuerat re-
 stituto, atque ito cū eo fœdere ita ex Africa decessisti, ut
 hostes quidem uirtutem tuam, socii uero atq; amici fi-
 dem, moderationē animi, mansuetudinēq; cognouerint.
 Nunc demum sentio, quā graue onus sustulerim Cæsar
 de tuis rebus gestis dicendi, & commemorandi. quod
 enim tantum flumen orationis, quæ tanta dicendi copia,
 quod tam excellens & inauditum ingenium potest existe-
 re, quo quisquam tantas res gestas, tam illustrem memora-
 bilemque uictoriam satis digne non dicam exornare, sed
 enarrare possit? Quibus porro honoribus, quibus præ-
 miis, quibus ornamentis tua in nos merita remunerari po-
 terimus, cum ne dicendo quidem illorum magnitudinem
 consequi ualeamus? Etenim huic urbi, ac toti Italiae exiti-
 um impendebat auctis hostium animis, opibusq; nouarum
 accessione prouinciarum, & capta ab eis opportunissi-

ma regione ad inferendas Italiae calamitates . Nam si superioribus annis Mauri paucis myoparonibus omnem ferè oram maritimam Italiae depopulari soliti erant , adeo ut sæpe ad ostia usq; tyberina adnauigarent , urbemq; hanc interceptiendis omnis generis com meatibus propè obsiderent , quid futurum erat , si Arriadeno illo classis Turcarum præfecto in Italiam belli furor , atq; impetus perua fisset ? quis hoste illo aut crudelitate immanior , aut auaritia rapacior , aut superbia intolerabilior , aut omnibus flagitiis , & sceleribus inquinatior dici aut cogitari potest ? Ecquis unquam tam acriter , tam acerbe cum inimico depugnauit , ut ille iam pridem christianum nomen uniuersum insequitur ? Ergo ea peste ex Africa Cæsar eiec̃ta à nobis crudelissimas cædes , inauditos cruciatus , exquisita supplicia , teterrimam seruitutem , à coniugibus & liberis nefandas libidines , ab Italia , atq; adeo ab uniuersa rep. in credibiles calamitates , uel potius occasum , atq; interitum depulisti . Quamobrem tibi uitam , tibi libertatem , tibi coniugum , ac liberorum pudicitia , tibi patriam , tibi fortunas , tibi remp. tibi hæc inquam omnia grato animo acceptum referimus . Iam abductus fuerat in seruitutem maximus christianorum numerus . tu ad .xx. millia eorum uno die è carcere , & uinculis emisisti . itaq; quæ ipsi per te retinui-
mus , illi cuncta diuino , atq; immortalituo beneficio receperunt , nos tamen hoc tibi obligatiore sumus , quod illi

amissa recuperarunt, ea cum nobis propter tuam uictori-
 am salua incolumiaq; permanserint, minime nos, ut illi,
 hostium superbiam, crudelitatemq; subiimus. Iam vero
 quibus uerbis tuam illam nouam, atq; inusitatam liberalita-
 tem, ac magnitudinem animi collaudare possim: qui ex-
 pulsum regno alienum, atq; abhorrentem à religione chri-
 stiana regem, confecto bello, ac deuictis Turcis in regno
 suo collocaris, & fidei, ac clementiæ laude contentus, illi
 fructum uictoriæ, & præmium laborum, ac periculorum
 tuorum concesseris. an non tu hostes non vi & armis
 modo, sed quod multo est magnificentius, etiam animi alti-
 tudine superasti: illi enim quod suum non erat, per sum-
 mam iniuriam dolo, ac fraudibus occuparant. tu quod iure
 uictoriæ tibi cesserat, remisisti. factū istud idem olim fu-
 isse a Pompeio Magno memoriæ proditum est, ut regem
 Armeniæ Tigranem sese, ac regnum suum illi dederentem
 regnare permitteret. uerum multo admirabilior tua Cæsaris
 liberalitas fuit. ille enim non à se partum, sed sibi oblatum
 regnum accipere non sustinuit, & tamen regem non gran-
 di modo pecunia, sed regni etiam parte mulctatus est. tu
 maximum, atq; opulentum imprimis regnum, quod retine-
 re bona fide poteras, quippe quod non regi abs te adim-
 tum, sed iniustis possessoribus sudore, periculis, & sum-
 tibus tuis extortum fuerat, nulla accepta pecunia, & sine
 ulla diminutione condonasti. quæ noua atq; inusitata libera

litas cum maximam benignitatis, tum non minorem tibi
prudentiæ laudem attulit. Rege enim clarissimo in amicitia
am abs te, & societatem recepto utrumq; es affectus, ut
& munitior posthac ad defendendam comp. sis futurus,
& omnes, quæ Turcis seruiunt nationes in admirationem
tuæ iustitiæ, liberalitatis, fidei, clementiæq; conuerteris,
ex quo nimirum intelligit, quanto meliore conditione sub
tuo mitissimo iustissimoq; imperio, quàm sub eorū super-
bissima, & iniustissima dominatione uiuatur. Porro au-
tem hinc Mauri, inde Turcæ omnia infesta habebant Ita-
liæ, Sicilia, Sardinia, Hispaniæ littora, maximo reip. tor-
tus incommodo, quippe cum tam nostris hominibus nus-
quam tutò nauigare negociandi gratia liceret. Quis enim
locus per hosce annos tam abditus, aut tam munitus fuit,
quò non illi sæpius penetrarint, prædas auxerint, homi-
nes in seruitutem abduxerint, omnia ferro, & flammaq; uas-
tarint? Tu & ingentem illam hostium classem potitus
es, quæ tam diu nostros portus, & litora diuexarat, &
depulsis mari prædonibus non solum nobis quietem, sed ip-
sis etiam undis tranquillitatem peperisti. Atq; hoc bellum
tam graue, tam atrox, tam formidolosum non tu per lega-
tos, sed tuo ipsius ductu, auspiciisq; gessisti, ac sine ullo pe-
nè detrimento tui exercitus plus minus quadraginta die-
rum spacio conficisti. Eant igitur siqui veterum imperato-
rum res gestas ita mirantur, ut eas nullo pacto æquari

posse contendant. Nimirum res tuæ gestæ Cæsar siue aduersariorum potentiam, siue diuersitatem regionum, siue multitudinem bellorum, siue conficiendi celeritatem, siue numerum uictoriarum spectent, cum quolibet antiquorum iure optimo comparari possunt. Atq; ut reliquas tuas uictorias silentio præteream. Omnibus omnium gentium, ac nationum ducibus romani duces sine dubio rei militaris gloria præstiterunt. porro ex eis Scipionum præcipue nomen in laude, ac celebritate uersatur. quorum alter Carthaginem iam diu cum populo romano, duce Annibale beligerantem uicit, alter eam ipsam urbem funditus sustulit. Quis rebus eorum gestis non tuam istam recentem uictoriam Cæsar iure prætulerit? illi urbem & bello primo punico afflictam, & eo, quod postea cum mercenariis militibus gesserat, exhaustam domuerunt. princeps tu omnium romanorum imperatorum Turcas opibus, atq; armis florentissimos denicisti. illi bellum iam ante ab aliis ducibus afflictum, & profligatum ipsi vix aliquot annis confecerunt. tu ex bello à te ipso illato paucis non dicam annis, nec mensibus, sed paucis inquam diebus insignem, & memorandam uictoriam rettulisti. illi pro huius unius urbis gloria, imperioq; certabant. tu pro omnium christiano rum salute, ac libertate, atq; etiam pro Dei ipsius religione pugnasti. postremo Carthaginensium imperium Africa, & pars Hispaniæ terminabat. Turcarum regno cum

tota Asia, Aegyptus, & Syria, tum etiam magna pars
Europæ subiecta est. Quamobrem quis negabit cogno-
men africani tanto tibi iustius, quàm Scipionibus deberi,
quanto & potentior, ac ualidior hostem, & bre-
uiore temporis spacio superasti? Nec uero indignantur
eorum manes te in societatem uenire præclari cognominis,
quod tu clariore multo, & illustriore victoria compara-
sti. Tu uero cognomine isto contentus esto. turcici cogno-
men ad id tempus reseruato, quo turcicum bellum confeceris.
quod ut suscipias, hortatione tu quidem non eges. quis
enim nescit te id ipsum bellum iam inde à pueritia in ani-
mo agitauisse, nec dies noctesq; ex quo creatus imperator
es, aliud cogitare, quàm quemadmodum ab hostium furore,
& crudelitate reimp. liberes? In quo egregia tua animi
pietas, & sapientia planè extat, atq; eminet, qui proprie
imperatorium munus esse ducis, non ocio, luxuq; languere
scire, sed creditorum à Deo populorum saluti, libertatq;
consulere, & ex his rebus laudem, & gloriam petere,
quæ sint cum uera erga Deum pietate, ac religione coniun-
ctæ. Sed tamen patere breuiter commemorari à me, quid
omnes à te non efflagitent modo, uerum etiam expectent.
Etenim existimare debes Caesar post tot, tamq; illustres
victorias in te omnium oculos christianorum esse conie-
ctos, in maximis enim reip. nostræ calamitatibus te, &
hunc Paulum optimum, Sanctissimumq; pontificem propè
demissos

demissos esse de cælo arbitrantur, quod afflictam remp.
 erigatis, & populos christianos turpissimo seruitutis iu-
 go oppressos in libertatem vindicetis. Noli Cæsar per
 Deum immortalem nolitantam omnium de te spem atq[ue]
 expectationem fallere. Quousq[ue] enim patientia nostra ho-
 stes abutentur? Quousq[ue] terrorem nobis inferent, de se
 nihil timebunt? Asiam, & bonam partem Europæ per
 inertiam superiorum principum occuparunt. campos &
 flumina sæpe christianorum sanguine, & cadibus infece-
 runt. religionem nostram, quæ quondam uniuerso terra-
 rum orbe vigerat (etenim quæ ora, quæ regio, qui inter-
 ris locus tam longinquus, atq[ue] abditus fuerat, ubi non chri-
 stiana religio coleretur? quæ tam immanis gens, & bar-
 bara, quæ non repudiatis dijs illis falsis & commentitijs
 neram Iesu Christi Dei filii religionem asciuit?) no-
 stram inquam religionem (ò labem, ò dedecus, ò ignomi-
 niam christiani nominis) angustis Europæ finibus inclu-
 serunt. Nunquamne amissas provincias repetemus? Nun-
 quamne christianorum mortes, & iniurias ultum ibimus?
 Nunquam pro aris, pro templis, pro sacris, pro religione
 arma capiemus? toties bello uexati, tot contumelijs lacessi-
 ti nunquam expergiscemur? semper hostibus prædæ ac
 ludibrio erimus? Sedenim christianis adhuc Cæsar non
 animus, non uirtus, sed dux, & imperator desuit. In te
 omnia, quæ in eo requiruntur, qui sit remp. oppressam in-

antiqua dignitate restitutus, ita abunde ad sunt, ut diu
dicari non possit, utrum sis virtute praestantior, an opib. ua
dior, an auctoritate, et magnitudine rerum gestarum clarior.
quae omnia tibi iccirco à Deo tributa sunt, ut cum tibi ampla
et gloriosa, tum eadem sint reip. salutaria. Quamobrem tuus
istud manus est Caesar, tum ad existimationem, tum ad
dignitatem, tum ad gloriam tuam pertinet eos hostes, à
quibus christiana res p. per tot saecula uexata, et dilace
rata est, tam pio, quam necessario bello persequi, eorum
imperium ex imperii romani naufragijs auctum excin
dere, omnes superiorum temporum maculas delere, à mise
ris christianis seruitutem repellere. Neque ego te hortabor,
ut imitare maiores tuos optimos, et amantissimos reip.
principes. Neque Caroli illius Magni bella pro salute, et
dignitate reip. gesta commemorabo. Neque Gotifredi, et
Balduini, neque Mathiae fortissimi, atque inuictissimi regis
Pannoniae exempla proferam. cum tu superiores omnes
principes adeo rerum gestarum gloria, et meritorum
in remp. magnitudine superaris, ut quem tibi imitandum
proponam, clariorem habeam te ipso neminem. Quare te
ipsum imitare oportet, te spectes, tecum ipse certes. Fac
tuas res gestas, et eximia in remp. merita tecum assi
due recordere, quae coegeris euanescere omnia, et ad ni
hilum recidere, nisi in tuenda rep. et bello persequendis
hostibus adhibueris aequabilitatem atque constantiam.

7.
Sed cū ego te ad inferendū Turcis bellū hortor, profecto
intelligis pro tua summa prudētia Cæsar, quid faciendū ti
bi prius sit. antequā. n. abs te pia, & salutaria sumantur ar-
ma, enitere atq; elabora, ut ab alijs functa & perniciosa po-
nantur, atq; omnes penitus tollantur moræ, quæ te ab inse-
quendis hostibus possint retardare. Præteritæ reip. no-
stræ clades satis nos iam erudire debuerunt, quantum in-
sit mali in intestinis discordiis. quæ non ipsæ modo comp-
lacerant, quod miserum, & luctuosum est, sed hostibus
quoq; nostras semper seditiones captantibus illius invaden-
dæ occasionem præbent. Quid enim causæ esse putamus,
cur cum omni tempore christiani uirtute & bellandi glo-
ria Turcis longe præstiterint, tamen tot nobilissimas pro-
uincias amiserint: non eas nobis hostium uirtus, neq; ar-
ma, sed amentia nostra, sed nostræ ipsorum discordiæ eri-
puerunt. Dolemus amissam Asiam, nostris discordiis
amissa est. Ereptam Græciam, nostris dissensionibus no-
bis erepta est. Imperii caput Constantinopolim ab hosti-
bus captam, ipsi intestinis bellis occupati capiendam illis,
& diripiendam tradicimus. Expugnata duo firmissima
reip. propugnacula Rhodum, & Belgradum, ea uersis
in perniciem nostram armis expugnari passi sumus. Po-
stremo quascunq; adhuc calamitates perpeffa est res p-
cas, si recte ratioinabimur, nostris dissidijs referemus
acceptas. Etenim hostes simulac christianos principes

bello inter se uidebant implicatos, tum gaudio exultabāt,
tum demum se optatissimam nactos occasionem putabant
infirmissimam quanq; recip. partem oppugnandi. ex quo
eueniebat, ut eam nudatam omni praesidio, & frustra im
plorantem auxilium christianorum principum facile, ac
propè nullo negotio expugnarent. Ita alia uictoria semper
gradum sibi ad aliam extruentes usq; eò imperium suum
auxerunt, ut nisi hoc tempore ab intestinis armis disceda
tur, atq; omnes discordiæ, & controuersiae pia, & salu
tari pace componantur, periculum sit, ne iam non, ut supe
rioribus fecerunt temporibus, remp. paulatim carpent, sed
uniuersam opprimant. Quare per Deum immortalē
Cæsar pro tua admirabili, & singulari sapientia ea re
media excogita, quibus, sublati inter te, & Gallorum
regem dissensionum causis, eoquecum in gratiam reducto
remp. miserrimo, & calamitosissimo bello liberes, ut pa
ce inter uos facta, coniunctis exercitibus hostes, qui iam
in speculis sunt, & huius inter uos impendentis belli exit
um, uel potius initium expectant, primo quoque tempore
adriamini.

Romæ in ædibus Antonij Bladi. x. Cal. Maij.

M. D. XXXVI.



